

der Statt Lucern gewöhnlich gewicht.) gefangen werden/ ja es ist auch
 zwischen dem Wäggen vnd dem Bärgerberg eine so 11. Pfundt vnd was
 noch mehr Anno 1601. Eine in diesem See so 14. Pfundt gewogen ge-
 fangen vnd in der Statt Lucern verkauft worden/ so vilerley geschlächte
 der Föhrinen wirdt sich schwärlich oder gar kein See rühen können /
 In summa der Fischen in diesem See seynd/ so vil an mancherley gestalte
 form vnd größe von einandern vndercheiden / das es vil kurzweyliger
 wäre dieselbige wohlgekoche zuversuchen / darn von ihrem Namen zu
 disputiern. Ich hab die Fischmercht viler namhafften Stetten teütscher
 vnd weltlicher Landen wundershalber besucht / aber so vilerley Fischen
 an einem Orth vnd auff einmahl/ als bey vns an der Fischerstätt schier
 alle Fast=Freitag vnd Sambstag gefunden werden nie gesehen/ vnd
 kauft ihm mancher Handwercksmann ein Paar Pfundt Fische / deren
 Namen er nit weiß / daran aber nit vil liat / der hungerig fragt nit vil
 nach dem namen wañ nur die Fisch gut vnd wolgeschmacht seynd / man
 findet sie das ganze Jahr zufangen sonderlich aber im Sommer wie auch
 die Fische vaderschidenlich an geschlecht also haben sie auch vnder-
 schidenliche Wohnungen/ stellingen (wie mans hic heisset.) vnd Orth
 dann etlich wohnen nur in den Tieffenen als die Grundförmn / Rotes-
 lein Trischen Ael etc. Andere im geröhre vnd den gestaden/ als Karpff-
 sen/ Schleyen/ Blieggen/ Damelen/ Kotten/ etc. Etliche haben Schüep-
 pen als etliche geschlecht der Förmnen (doch nicht alle) der Karpff/ Hecht/
 Barb/ Aisch/ Galin/ Hasel/ alle Balchen Albulen vnd Weißfisch Rotes-
 ten/ Blieggen/ Krüschling/ Brachsmann/ Nasen/ Alet/ Winger/ Erze-
 lein vnd ein Geschlecht der Damelen / andere aber seynd nur mit einer
 glatten Haut vberzogen/ vnd haben keine Schüepen/ als ein geschlecht
 der Schwarzs= Förmn mit roten Duffen der Ael/ die Trüsch/ Schley-
 en/ Neunaug/ Grundelen/ Groppen/ vnd das ander Geschlecht der
 Damelen oder Buszen. Der Krebs hat sein sonderen Vberzug vnd
 ist alle Zeit gewapnet wie bey den Thieren der Rhinoceros, vnd weil
 man den Otter vnd Diber auch in Gesellschaft der Fischen (denen sie
 doch schlechte Fr. ünd schaffit erzeigen) setzet/ hab ich ihrer auch nicht ver-
 gessen / sondern sie allhero setzen wollen / der Otter ist mit Peltz / vnd
 der Diber mit Schüepen vnd Peltz versehen. Von etlicher Fischen
 Art/ Eigenschafft. vnd Natur hat man auch sonderbare Sprüchwör-
 tem in dem man jagt/ der Salm ist ein Herz/ der Esch ist ein Rheingraff/